

**КОМИ РЕСПУБЛИКАЛӦН
ОЛАНПАС**

**«Коми Республикалӧн Каналан Сӧветса депутатлӧн статус йылысь»
Коми Республикаса Оланпасӧ вежсьӧмъяс пыртӧм йылысь**

Примитӧма Коми Республикаса
Каналан Сӧветӧн

2023 вося рака тӧлысь 23 лунӧ

1 статья. Пыртны «Коми Республикалӧн Каналан Сӧветса депутатлӧн статус йылысь» Коми Республикаса Оланпасӧ (Коми Республикаса канму власьт органъяслӧн индӧд-тшӧктӧмъяс, 2007, 4 №, 4770 ст.; 7 №, 4911 ст.; 2008, 5 №, 205 ст.; 9 №, 426 ст.; 2009, 11 №, 171 ст.; 20 №, 351 ст.; 2011, 5 №, 87 ст.; 14 №, 346 ст.; 23 №, 606 ст.; 2012, 7 №, 172 ст.; 31 №, 694 ст.; 63 №, 1549 ст.; 2013, 5 №, 101 ст.; 17 №, 337 ст.; 2014, 33 №, 678 ст.; 2015, 8 №, 89 ст.; 12 №, 153 ст.; 21 №, 271 ст.; 22 №, 303 ст.; 307 ст.; 26 №, 365 ст.; 2016, 4 №, 57 ст.; 2017, 8 №, 127 ст.; 9 №, 141 ст.; 152 ст.; 2018, 4 №, 66 ст.; 6 №, 98 ст.; 18 №, 319 ст.; 19 №, 353 ст.; 2020, 10 №, 137 ст.; 18 №, 289 ст.; 22 №, 364 ст.; 2021, 3 №, 43 ст.; 10 №, 203 ст.; 20 №, 362 ст.; 2022, 4 №, 29 ст.; 6 №, 59 ст.; 7 №, 81 ст.; 9 №, 111 ст.; 136 ст.; 11 №, 171 ст.; 175 ст.; 15 №, 224 ст.) татшӧм вежсьӧмъяс:

1. 3 статьяын:

1) 1 юкӧнӧ содтыны татшӧм сюрӧса 7¹ пункт:

«7¹) депутат пыдди пуктана помкаястӧг квайт тӧлысь чӧж дорвыв эз вӧв Каналан Сӧветлӧн став заседание вылын»;»;

2) 2 юкӧнса медводдза абзацын «1, 9» лыдпасъяс вежны «1, 7¹, 9» лыдпасъясӧн.

2. 6 статьяса 2 пунктын «, комитетувъяслӧн» кыв киритны.

3. 8¹ статьяын:

1) 1 юкӧнын:

а) медводдза абзацын «сетны» кыв бӧрын содтыны «, тайӧ статьялысь 1⁴ да 1⁵ юкӧнъясса положениеяс тӧд вылӧ босьтӧмӧн,» кывъяс;

б) 2 пунктын «, акцияяс» кыв киритны;

2) содтыны татшӧм сюрӧса 1⁴ да 1⁵ юкӧнъяс:

«1⁴. Депутат, кодӧ збыльмӧдӧ асьыс уджмогъяссӧ шӧр уджысь ордчывтӧг, сетӧ тайӧ статьялӧн 1 юкӧнса 1 пунктын индӧм тӧдмӧгъяссӧ депутатӧн бӧръян, сылы прӧст депутатскӧй мандат сетан лунсянь нӧль тӧлысь чӧжӧн.

1⁵. Депутат, кодӧ збыльмӧдӧ асьыс уджмогъяссӧ шӧр уджысь ордчывтӧг, «Канму чинъясын уджалысь йӧзлӧн да мукӧд йӧзлӧн рӧскодлысь налӧн чӧжӧслы лӧсялӧм бӧрся контроль йылысь» Федеральнӧй оланпаслӧн 3 статьяса 1 юкӧнӧн урчитӧм случайясын сетӧ чӧжӧс, рӧскод йылысь, эмбур да эмбур сяма кӧсйысьӧмъяс йылысь тӧдмӧгъяссӧ Россия Федерацияса оланпастэчас серти. Сэк, кор отчетнӧй период чӧжӧн «Канму чинъясын уджалысь йӧзлӧн да мукӧд йӧзлӧн рӧскодлысь налӧн чӧжӧслы лӧсялӧм бӧрся контроль йылысь» Федеральнӧй оланпаслӧн 3 статьяса 1 юкӧнӧн урчитӧм сделкаяссӧ, кутшӧмъяслӧн ӧтувъя мындаыс вевтыртӧ депутатлысь да сылӧн гӧтырлысь (верӧслысь) отчетнӧй период водзын мунысь бӧръя куим вося ӧтувъя чӧжӧссӧ, абу збыльмӧдӧма, депутат гижӧмӧн юӧртӧ та йылысь контроль серти комиссияӧ тайӧ Оланпас дорӧ 1 содтӧдын индӧм форма серти.»;

3) 11 юкӧн гижны тадзи:

«11. Депутатӧс кывкутана мераӧ ӧлӧдӧмӧн кыскӧм йылысь юӧрсӧ колӧ йӧзӧдны «Ӧтуввез» юӧртан да телекоммуникация везйын Коми Республикаса Каналан Сӧветлӧн да Каналан Сӧветса Аппаратлӧн официальной сайтын (водзӧ – Каналан Сӧветлӧн официальной сайт) да официальной публикуйтны «Коми Республикаса оланпасъяс да Коми Республикаын примитан мукӧд инӧда акт публикуйтан да налӧн

вынсялан пöрадoк йылысь, а сіджö официальнöя публикуйтны колана материалъяс публикуйтан пöрадoк йылысь» Коми Республикаса Оланпасöн урчитöм пöрадoкын.»;

4) содтыны татшöм сюрöса 11¹ да 11² юкөнъяс:

«11¹. Чöжöс йылысь депутатъясöн сетан тöдмөгъяс, рöскod йылысь депутатъясöн сетан тöдмөгъяс йылысь юөрöн, депутатъясöн чöжöс йылысь тöдöмөн абу збыль либö абу тырвийö тöдмөгъяс, рöскod йылысь тöдöмөн абу збыль либö абу тырвийö тöдмөгъяс, кутшöмъясöс эрдöдöма контроль серти комиссия, сетöм йылысь юөрöн вöдитчыны позянлунсö могмöдöны федеральнöй оланпасъяс, Россия Федерацияса Президентлөн индöдъяс серти.

11². Депутатъясöн чöжöс йылысь тöдмөгъяс, рöскod йылысь тöдмөгъяс сетны кывкутана мог олöмö пöртöм (абу колана ногөн олöмö пöртöм) йылысь öтувтöм юöрсö йöзöдöны Каналан Сöветлөн официальнöй сайтын (сэк, кор татшöм юöрын абуöсь аспас, мый сетö позянлун идентифицируйтны лöсялана мортöс, да мыччöдъяс, кутшöмъяс сетöны позянлун индивидуализируйтны лöсялана мортлысь эмбурсö) тайö Оланпаслөн 8² статьяөн урчитöм пöрадoкын.»;

5) 12¹ юкөннын «оланпасöн урчитöм» кывъяс вежны «тайö Оланпаслөн 8³ статьяөн урчитöм» кывъясöн.

4. 8² статья гижны тадзи:

**«8² статья. Депутатъясöн чöжöс йылысь тöдмөгъяс,
рöскod йылысь тöдмөгъяс сетны кывкутана мог
олöмö пöртöм (абу колана ногөн олöмö пöртöм) йылысь
öтувтöм юөр йöзöдан пöрадoк**

1. Депутатъясöн чöжöс йылысь тöдмөгъяс, рöскod йылысь тöдмөгъяс сетны кывкутана мог олöмö пöртöм (абу колана ногөн олöмö пöртöм) йылысь öтувтöм юöрсö (водзö – öтувтöм юөр), татшöм тöдмөгъяссö депутатъясöн сетöм вылö урчитöм кадколаст колян лунсянь 14 уджалан лунысь оз сёрджык, йöзöдöны Каналан Сöветлөн официальнöй сайтын.

2. Каналан Сöветлөн официальнöй сайтын йöзöдöны депутатъяслөн лыд йылысь, кодъяс сетöмаöсь чöжöс йылысь тöдмөгъяс, рöскod йылысь тöдмөгъяс, а сіджö депутатъяслөн лыд йылысь öтувтöм юөр, кодъяс збыльмöдöны ассыныс уджмогъяснысö шөр уджысь ордчывтöг, кодъяс юөртöмаöсь сы йылысь, мый «Канму чиньясын уджалысь йöзлөн да мукöд йöзлөн рöскodлысь налөн чöжöслы лöсялöм бöрся контроль йылысь» Федеральнöй оланпаслөн 3 статьяса 1 юкөнөн урчитöм сделкаяссö абу збыльмöдöма.

Мукöд öтувтöм юöрсö Каналан Сöветлөн официальнöй сайтын йöзöдöны ыдждаын, мыйта урчитöма Россия Федерацияса Федеральнöй Собраниелөн Каналан Думаса нормативнöй инöда актъясöн татшöм сяма тöдмөгъяс йöзöдöм вылö, кутшöмъясöс сетöны Россия Федерацияса Федеральнöй Собраниелөн Каналан Думаса депутатъяс.

3. Йöзöдан öтувтöм юöрын оз позь индыны:

1) аспас, мый сетö позянлун идентифицируйтны депутатöс, сылысь гöтырсö (верöссö), челядъсö да семьяс мукöд пырысьсö;

2) мыччöдъяс, кутшöмъяс сетöны позянлун индивидуализируйтны эмбурсö, мый лö лöсялана депутатлөн, сылөн гöтырлөн (верöслөн), челядълөн да семьяс мукöд пырысьлөн кийн кутан инöд вылын;

3) мыччöдъяс, кутшöмъяс сетöны позянлун тöдмавны депутатлысь, сылөн гöтырлысь (верöслысь), челядълысь да семьяс мукöд пырысьлысь оланінсö, пошта инпассö, телефонсö да мукöд торъя йитчан средствосö;

4) мыччöдъяс, кутшöмъяс сетöны позянлун тöдмавны, кöни меститчöны вөрзöдны позьтöм эмбур объектъяс, кутшöмъяс лöоны депутатлөн, сылөн гöтырлөн

(верöслöн), челядълöн, семьяс мукöд пырысьлöн кийн кутан инöд вылын либö кутшöмъясöн найö вöдитчöны;

5) канму гусятöрйö пырысь либö йöзöдны позьтöм юөр.

4. Öтувтöм юöрсö йöзöдöма Каналан Сöветлöн официальной сайтын Каналан Сöветса тайö созывöн уджмогъяс збыльмöдан став кадколаст чöж, мый дыра уджалöны депутатъяс, да сийöс быд во выльмöдöны.».

5. Содтыны татшöм сюрöса 8³ статья:

**«8³ статья. Депутатöн коррупциякöд йитчöм
инöд торкалöм вылö сийöс ыштöдöм могысь
сы дорö йöзöн шыöдчан случайяс йылысь юөртöм**

1. Депутат юөртö контроль серти комиссияö коррупциякöд йитчöм инöд торкалöм вылö сийöс ыштöдöм могысь сы дорö йöзöн шыöдчан став случай йылысь лöсялана шыöдчан лунсянь 5 лунысь оз сёрджык кадколастö тайö Оланпас дорö 2 содтöдын индöм форма серти уведомление ыстöмөн (водзö – уведомление).

Сийö жö кадö депутат ыстö уведомлениелысь копиясö прокуратура органъясö.

2. Депутат вермö сетны уведомлениесö ачыс либö пошта пыр мöдöдöмөн, факсимильной связь средствоясöн вöдитчöмөн либö электронной документён.

3. Сэк, кор депутатъяс командировкаын, отпускын, уведомлениесö позьö сетны вомгора телефонной связь отсöгөн. Та дырйи депутатлы депутатскöй удж либö шөр удж збыльмöданинö воан лун бöрын мунысь öти уджалан лунысь абу сёрджык быть колö сетны тайö Оланпас дорö 2 содтöд серти гижöм уведомлениесö.

4. Уведомление дорö содтöны материалъяс, кутшöмъяс эмöсь, кутшöмъяс эскöдöны, мый депутат дорö шыöдчылисны коррупциякöд йитчöм инöд торкалöм вылö сийöс ыштöдöм могысь.

5. Уведомлениесö сылөн воан лунö колö пасйыны контроль серти комиссияын. Уведомлениелысь копиясö сийöс пасйöм йылысь пасйöгөн сетöны депутатлы, кодö ыстöма уведомлениесö, сийöс пасйöм бöрын öти уджалан лун чöжөн либö, сэк, кор тайö уведомлениеыс воöма пошта пыр мöдöдöмөн, ыстöны депутатлы сийöс пасьян лунсянь 3 уджалан лунысь оз сёрджык кадколастö.».

2 статья. Тайö Оланпасыс вынсялö сийöс официальной публикуйтан лунсянь.

Коми Республикалөн Каналан Сöветса депутат, кодö збыльмöдö ассьыс уджмогъяссö шөр уджысь орöдчывтöг, кодö тайö Оланпас вынсялан лун вылö сетöма чöжöс, рöскöд йылысь, эмбур да эмбур сяма кöсйысьöмъяс йылысь тöдмөгъяссö, оз сет мукöд тöдмөг либö юөртöм, кутшöмъясöс урчитöма «Коми Республикалөн Каналан Сöветса депутатлөн статус йылысь» Коми Республикаса Оланпасөн (тайö Оланпаслөн редакцияын).

Коми Республикаса Юралысь

В.В. Уйба

Сыктывкар

2023 вося рака тöлысь 27 лун

12-РЗ №

«Коми Республикалөн Каналан
Сöветса депутатлөн статус йылысь»
Коми Республикаса Оланпасö
вежсьöмьяс пыртöм йылысь»
Коми Республикаса Оланпас дорö
1 содтöд

«Коми Республикалөн Каналан
Сöветса депутатлөн статус йылысь»
Коми Республикаса Оланпас дорö
1 содтöд

(форма)

Коми Республикалөн
Каналан Сöветса депутатъясөн
чöжöс, рöскöд йылысь, эмбур да
эмбур сяма кöсйысьöмьяс йылысь
сетöм тöдмөгьяслөн
збыльлун бöрся контроль серти
Коми Республикалөн
Каналан Сöветса комиссияö

(Коми Республикалөн Каналан Сöветса депутатлөн
ов, ним, вич (эм кö))

Ме, _____

(Коми Республикалөн Каналан Сöветса депутатлөн ов, ним, вич (эм кö),

чужан кадпас, паспортлөн серия да номер, сетан кадпас да орган, кодi сетöма паспортсö)

Коми Республикалөн Каналан Сöветса депутат, юöрта, мый ме, менам гöтыр (верöс)

(гöтырлөн (верöслөн) ов, ним, вич (эм кö), чужан кадпас, паспортлөн серия да номер,

сетан кадпас да орган, кодi сетöма паспортсö)

да тыр арлыдтöм челядь

(тыр арлыдтöм кагалөн ов, ним, вич (эм кö), чужан кадпас, паспортлөн либö чужöм йылысь эскöдангижöдлөн

(тыр арлыдтöм кагалы, кодлөн абу паспортыс) серия да номер,

сетан кадпас да орган, кодi сетöма документсö)

_____ вося тöвшöр тöлысь 1 лунсянь _____ вося öшым тöлысь 31 лунöдз отчётнöй
периодö эгö збыльмöдöй «Канму чиньясын уджалысь йöзлөн да мукöд йöзлөн
рöскöдлысь налөн чöжöслы лöсялöм бöрся контроль йылысь» Федеральнöй оланпаслөн
3 статьяса 1 юкөнөн урчитöм сделкаяс.

(гижан кадпас)

(кырымтас)

».

«Коми Республикалөн
Каналан Сöветса депутатлөн
статус йылысь»
Коми Республикаса Оланпасö
вежсьöмьяс пыртöм йылысь»
Коми Республикаса Оланпас дорö
2 содтöд

«Коми Республикалөн Каналан
Сöветса депутатлөн статус йылысь»
Коми Республикаса Оланпас дорö
2 содтöд

(форма)

Коми Республикалөн
Каналан Сöветса депутатьясөн
чöжöс, рöскод йылысь, эмбур да
эмбур сямä кöсийсьöмьяс йылысь
сетöм тöдмөгьяслөн
збыльлун бöрся контроль серти
Коми Республикалөн
Каналан Сöветса комиссияö

(Коми Республикалөн Каналан Сöветса депутатлөн
ов, ним, вич (эм кө))

**Коррупциякөд йитчөм инөд торкалөм вылө
Коми Республикалөн Каналан Сöветса депутатöс
ыштöдөм могысь шыöдчан случайяс йылысь
уведомление**

1. Юөрта, мый коррупциякөд йитчөм инөд торкалөм вылө менö ыштöдөм
могысь шыöдчис _____

(инөд торкалөм вылө ыштöдысь мортлөн ов, ним, вич (эм кө), мукöд тöдса тöдмөг)

2. Инөд торкалөм вылө ыштöдiсны _____

_____ -өн.

(кыдзи ыштöдiсны: мыйöнкö ылдöдм, грöзитöм, кöсийсьöм, пöрьялөм, нартитöм да с.в.)

3. Инөд торкалөм вылө ыштöдiсны _____

(кутийöм ногөн ыштöдiсны: телефонөн сёрнитiгөн, веськыда аддзысьлiгөн, пошта пыр мөддöдмөн да с.в.)

4. Инөд торкалөм вылө ыштöдöма 20__ вося _____ тöлысь «__» лунö
час _____ минутын _____ -ын.

(кар, инпас)

(гижан кадпас)

(кырымпас)

».